

Veiðifélag Eystri-Rangár
Keldum
851 Hella

Reykjavík 14. júní 2019
UST201902-319/F.T.
08.12.02

Efni: Álagning dagsekta og krafa um úrbætur

Umhverfisstofnun vísar í bréf dags. 24. maí sl. þar sem stofnunin áformaði að leggja á dagsektir vegna frávíka er fram komu í eftirliti dags. 17. desember 2018.

Frávikin eru eftirfarandi:

1. Gr. 1.4 í starfsleyfisskilyrðum fyrir fiskeldi á landi. Skráningum í rekstrarhandbók er ábótavant. Skrá skal afföll, magn, gerð og meðhöndlun úrgangs. Skráningar skulu vera aðgengilegar eftirlitsaðila.
2. Gr. 1.4 í starfsleyfisskilyrðum fyrir fiskeldi á landi. Skráningar um losun efna út í umhverfið vantar.
3. Gr. 1.4 í starfsleyfisskilyrðum fyrir fiskeldi á landi. Viðbragðsáætlun vegna mengunaróhappa vantar.
4. Gr. 1.4 í starfsleyfisskilyrðum fyrir fiskeldi á landi. Neyðaráætlun vegna óvæntrar rekstrarstöðvunar vantar.
5. Gr. 2.1 og 2.6 í starfsleyfisskilyrðum fyrir fiskeldi á landi. Beita skal bestu fánlegu tækni til að fyrirbyggja mengun umhverfisins. Frárennslis skal forhreinsa áður en það berst í viðtaka. Ástand settjarnar er óviðunandi. Moka skal upp úr henni og/eða betrubæta hreinsun frárennslis.

Umhverfisstofnun hefur hvorki borist staðfesting á úrbótum eða tímasett úrbótaáætlun. Stofnunin leggur hér með á dagsektir, að fjárhæð 90.000 kr. á dag, á Veiðifélag Eystri-Rangár, og krefst úrbóta, sbr. 1. mgr. 61. gr. laga nr. 7/1998, um hollustuhætti og mengunarvarnir. Dagsektirnar leggjast á frá og með 18. júní nk. og þar til úr er bætt.


Ákvörðun þessi mun verða birt á vefsíðu Umhverfisstofnunar. Jafnframt mun stofnunin birta sjónarmið fyrirtækisins.

Umhverfisstofnun vekur athygli á 30. gr., sbr. 1. gr. gjaldskrár Umhverfisstofnunar nr. 535/2015, þar sem segir að stofnunin innheimti gjald fyrir vinnu sérfræðings við eftirfylgni eftirlits og beitingu þvingunarúrræða. Gjald fyrir vinnu sérfræðings við eftirfylgni vegna frávíka frá ákvæðum starfsleyfis verður nú innheimt samkvæmt gjaldskrá. **Gjaldið er kr. 52.800.**

Umhverfisstofnun bendir á að ákvörðun þessi er kæránleg til úrskurðarnefndar umhverfis- og auðlindamála sbr. 65. gr. laga nr. 7/1998, um hollustuhætti og mengunarvarnir. Um aðild, kærufrest, málsmeðferð og annað er varðar kæru fer samkvæmt lögum nr. 130/2011 um úrskurðarnefnd umhverfis- og auðlindamála. Kærufrestur er einn mánuður frá því að kæranda varð kunnugt eða mátti vera kunnugt um ákvörðunina.

Óski rekstraraðili eftir frekari upplýsingum má hafa samband við Frigg Thorlacius í síma 591-2000 eða með tölvupósti á frigg@ust.is. Áætlun og/eða gögnum skal skila í pósti til Umhverfisstofnunar eða á netfangið ust@ust.is

Virðingarfyllt



Skúli Þórðarson
sviðsstjóri

Frigg Thorlacius
Frigg Thorlacius
lögfræðingur

Afrit í tölvupósti: Heilbrigðisnefnd Suðurlands